

三 外科

癰疽部分

頭部

百會疽

頂門癰

額疽

大陽疽

鬢疽

面部

髮際瘡

癩頭瘡

腦疽

頤瘍

頰瘍

全身

發眉

鼻疽

發鬚

頤瘍

頰瘍

耳部

發頤

面瘡

牙疔

承漿癰

唇瘡

口部

口瘡

牙癰

骨槽風

上腭癰

唇瘡

百脉疽

項癰

項中疽

天柱疽

杼疽

喉癰

瘰癧馬刀

五十七

三〇	三九七
九〇〇	一〇〇

內閣文庫	
番號	漢 12971
冊數	100 ( 57 )
函號	301 60



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



癆科證治準繩卷之三

金壇王肯堂輯 門人新安閔承詔校

癱疽部分

靈樞五臟身有五部

伏兔

腓二腓者臑也

背三 五臟俞四 項五 此五部有癱疽者死

王海藏云 腦 鬚 鬢 頤 亦為癱疽必死

之處

鬼遺方不可患癱疽者七處 眼後虛處 頤接骨

以上毛間勝與尻骨接處 耳門前後車骨

諸因小腹風水所成癱疽 頤骨下近耳後

卅八 卅九

虛處 鼻骨中 並能害人但以諸法療之或有得  
瘥唯眼後虛處最險

背土九處不可病癰 第一入髮際為玉枕亦為舌

本 第二頸項節 第三椎為崇骨 第四大椎為

五藏 第五脊骨兩邊肺俞穴 第六夾脊兩邊脾

俞及肝俞 第七脊骨兩邊腎俞二穴 第八後心

鳩尾 第九鳩尾骨穴

正面五處不可患癰 第一喉骨為垂膺 第二當

胸為神舍 第三心鳩尾 第四當兩乳穴 第五

臍下二寸為腸屈間

側面三處不可患癰 耳下近耳後牙車尖尖陷中

為喉脉一穴 當膊下一穴為肩骨 承山上三寸

一穴臑腸

上焦發癰為陽是壅塞實候宜解利溫涼湯藥去其

積熱上攻外即貼消腫毒藥如已結定即用發穴

藥候穴破出其膿毒腫平方貼生肉等藥然後歛合

瘡口亦慮外傷風水勿食發風執醬麪毒物等忌房

事

中焦發癰至腰上一節前後心不定所在皆是澁滯

候亦乘虛而作不拘大小前起心鳩尾者最要緊近

兩腋是虛處兩脇肋下至臍上及臍下兩傍一二寸  
 發癰填氣伏硬難潰膿為此等處偏難發元穴後難  
 谷瘡口並須先用煖內藥服後用熱藥貼令軟和慢  
 慢破元不得急破急破即朝夕出膿不佳緩慢破元  
 即一頓出膿易為將息後心者唯有十一椎脾俞下  
 十四椎上為腎俞腎俞下為腰俞兩處起癰者防毒  
 氣內攻為此處皆是至虛處凡有癰起先須補內氣  
 令實方可放破內氣實則不內攻且易得潰唯腰腿  
 兩處多成漏疾預防節慾則先矣  
 下焦發為流注虛損候前陰股兩處起如鷄卵大長

橫摺內初起腫核結塊後四畔浮腫相併伏硬色青  
 黑先用和平藥內服三五日後用發軟散及罨藥罨  
 令軟即元穴後其瘡口即隨摺子內作長瘡瘡口破  
 宜急用抽毒膏出膿膿盡便貼谷瘡口藥為此處無  
 肉可壞更不須長肉也

右靈樞鬼遺諸書所言部分甚悉今已散采入各  
 條矣其經絡所屬及引經之藥已見首卷分經絡  
 篇其初中後內消外治之法及表裏虛實之別則  
 當於腫瘍潰瘍門求之今世專科方士所託以為  
 祕傳之書圖寫形像分別名目以立治法者多不

或問百會穴生疽何如曰此名玉頂發初如麥米頓  
增痛楚寒熱大作由虛陽浮泛宜以鹽湯下八味丸  
引火歸源甚則黑錫丹或元氣素厚六陽經受風邪  
風火相扇臟腑熱毒上攻而然者宜黃連消毒飲兼  
玉樞丹勝金丹更以附子切片置湧泉穴灸五壯以  
泄其毒七日無膿者死

○百會疽  
或問百會穴生疽何如曰此名玉頂發初如麥米頓  
增痛楚寒熱大作由虛陽浮泛宜以鹽湯下八味丸  
引火歸源甚則黑錫丹或元氣素厚六陽經受風邪  
風火相扇臟腑熱毒上攻而然者宜黃連消毒飲兼  
玉樞丹勝金丹更以附子切片置湧泉穴灸五壯以  
泄其毒七日無膿者死

○頂門癰  
或問頂門生癰何如曰此屬太陽經風熱所致一名

頂門生癰何如曰此屬太陽經風熱所致一名

佛頂疽名上星由臟腑陰陽不調熱毒上壅而成  
宜服活命飲加芩連梔子藁本清熱之劑及紫金丹  
烏金散奪命丹汗之虛者十全大補湯加羌活稍遲  
潰爛黑陷惡證多脉大神昏二便閉結者不治

○額疽

鬼遺方云左額右額發赤疽不拘大小狀如桃李急  
宜藥貼破見膿無害右額角一處發毒疽及惡瘡為  
近太陽穴如腫滿太陽即成虛損為近穴而難消不  
可破如破後傷外風水即能害人亦宜用藥潰膿後  
速飲合瘡口如經冬月即成冷瘡緣此處近太陽穴

上至額角都為險處 或問當額生疽何如曰此屬  
陽明胃積熱宜服活命飲加升麻桔梗羌活酒水煎  
服壯實者一粒金丹下之老弱者十全大補湯或十  
宣散黃芪內托散托之過時潰爛腦髓出者死

○太陽疽

鬼遺云左右太陽穴或發疽癰及癰五七日不潰毒  
氣流入眼眶攻眼眼合不開用藥貼破破後慎外風  
水所入即損其睛疰損眼臉而成大疾 或問兩太  
陽生疽何如曰此名勇疽亦名腦發疽屬足陽明胃  
經狀如伏鼠寒熱併作面青浮腫宜活命飲加升麻

桔梗烏金散十一日刺得黃白膿者生清稀黑血者  
及潰爛透腦者死

○鬢疽

鬢疽屬手少陽三焦相火是經少血多氣尤忌見膿  
若妄加針灸必至不起余見之屢矣 薛新甫以為  
屬肝膽二經怒火或風熱血虛所致若發熱作渴者  
用柴胡清肝散腫脊痛甚者用仙方活命飲若大勢  
已退餘毒未散用參芪歸木為主佐以川芎白芷金  
銀花以速其膿膿成仍用參芪之類托而潰之若欲  
其生肌收斂脾虛者六味丸血虛者四物加參芪或

血燥或水不能生木者用四物湯六味地黃丸氣虛

者用補中益氣湯皆當滋其化源為善

一老腫痛發熱膿清作渴脈軟而濇此氣血俱虛也

欲補之彼見作渴發熱乃服降火之劑果作嘔少食

復求治投六君子湯四劑嘔止食進仍用補藥月餘

而愈以上補例 一人患此焮痛作腫發熱以小柴胡湯

加連翹金銀花天花粉四劑而消 一人因怒後鬢

際腫痛發熱以小柴胡湯加連翹金銀花天花粉四

劑根畔俱消惟瘡頭作痛以仙方活命飲二劑痛止

膿熟針之更以托裏消毒藥而愈 一人腫痛寒熱

拘急脉浮數以荆防敗毒散二劑表證悉退更以托  
裡消毒散潰之而安 一人焮腫痛甚發寒熱服十  
宣散愈熾診之脉數而實此表裏俱有邪也以荆防  
敗毒散加芩連大黃二劑少愈更以荆防敗毒散四  
劑而消 俞黃門年踰三十冬患鬢毒腫焮煩躁便  
祕脉實此膽經風熱壅上也馬氏曰瘡瘍熱實不利  
者大黃湯下之一劑便通瘡退更以荆防敗毒散二  
劑十宣散去桂加天花粉金銀花數劑而愈 一人  
頭面焮腫作痛時仲冬脉弦緊以托裡溫經湯沃之  
而消 趙宜人年踰七十鬢疽已潰焮腫痛甚喜冷

脉實便秘東垣云煩躁飲冷身熱脉大精神昏悶者  
臟腑實也以清涼飲二劑腫痛悉退更以托裏藥三  
十餘劑而平

汪前疽雖出少陽血少之分然證與脉皆屬于實  
故年壯者用瀉劑之重老年者用瀉劑之輕若拘  
以年老或守其經禁而投補劑實實之禍難免矣

以上  
瀉例

侍御朱南臯患前證腫痛發熱日晡尤甚此肝膽二  
經血虛火燥也用四物湯加玄參柴胡桔梗炙草治  
之而愈又因勞役發熱畏寒作渴自汗用補中益氣

瀉例

豆音 夕和 三

湯去柴胡升麻加五味麥門炮薑而瘥 州守胡廷  
器年七十患前證腫焮作痛頭目俱脹此腎水不足  
肝膽火盛而血燥也用六味丸料四劑瘡頭出水而  
愈後因調養失宜仍腫痛煩熱喘渴脉洪大而虛此  
脾胃之氣傷也用補中益氣以補脾胃用六味地黃  
丸以補腎肝而痊以上補例

柴胡清肝散 治鬢疽及肝膽三焦風熱怒火之證  
或項胸作痛或瘡毒發熱

柴胡

山梔炒各壹錢伍分

黃芩炒

川芎

人參各壹錢

連翹

桔梗

各捌分

甘草

伍分

右水煎服

髮際瘡

鬼遺云左右髮際起如粟米頭白肉赤執痛如錐刺  
此疾婦人患多丈夫患少始因風濕上攻髮際亦宜  
出膿無傷 或問髮際生瘡何如曰此名髮際瘡也  
狀如芡實漫腫寒熱或痛或癢者髮際疽也此由風  
熱上壅所致宜服防風通聖散紫金丹奪命丹汗之

○癩頭瘡

丹防風通聖散為末酒浸焙乾凡三次食後白湯調

頁部 頭瘡

下十三

馬蹄香

香圓橘葉

右搗爛糟炒縛之  
又用秦椒酒煎

服日二服至頭有汗効

世濃煎鹽湯洗三五日一洗用上散傳之久年不愈神効

丹用好紫霄炭燒通紅入水淬之又燒又淬以水熱為度取所淬之水日日洗之使熱毒宜發而愈外以胡荽子伏龍肝懸龍尾屋梁也黃連白礬為末調傳又服酒炒通聖散効

一方單用黃連末傳之累効

或問頭上生瘡狀如葡萄痛甚久而無膿何如曰名髮毛瘡治法上同必須詳驗其瘡若中陷而四畔高

起色如黃蠟者廣瘡也

松脂膏 治頭瘡經年月不瘥

松脂

黃連

黃芩

苦參

蛇床子

大黃

白礬

水銀

胡粉

同研令細星為度

右為細末研勻用臘豬脂調傳瘡上大効

貝母膏 治頭禿瘡

貝母

半夏

南星

五倍子

白芷

黃蘗

苦參

各貳錢半

號丹

壹錢半

雄黃

壹錢

右為細末先以蜂房白芷苦參大腹皮荆芥煎湯  
熏洗拭乾即用蜜水調傅兩三次後乾摻藥  
加味平胃散 治一切惡瘡頭上瘡

右平胃散入臙粉清油調傅之甚妙

蝶蛸散

治頭上生瘡俗曰粘瘡

海蝶蛸

貳錢

白膠香

輕粉

各半兩

為細末研勻先用清油潤瘡後摻藥只一上可

治頭極痒不痛生瘡方

鵝鴿糞

伍合

右以好醋和膏煮三兩沸日兩三次塗之

○腦疽

鬼遺正腦上一處起為腦癰及腦疽腦鑠並在大椎  
骨上入髮際生腦癰皮起易得破穴急破急出膿不  
害腦疽皮厚難得破穴須急發肉毒使破穴方可  
腦鑠一處初起如橫木掘上起頂門下止大椎發腫  
如火燒其色青黑如靴皮大硬不見膿即損外皮如  
犬咬去肉之跡難愈 靈樞云陽氣大發消腦溜項  
名曰腦鑠其色不樂腦項痛如刺以針煩心者死不  
可治

薛腦屬足太陽膀胱經積熱 或濕毒上湧 或陰  
虛火熾 或腎水虧損陰精消涸 初起腫赤痛甚  
煩渴飲冷脉洪數而有乃乃濕熱上湧當用黃連消  
毒散并隔蒜灸以除濕熱 漫腫微痛渴不飲冷脉  
洪數而無力乃陰虛火熾當用六味丸及補中益氣  
湯以滋化源 若口舌乾燥小便頻數或淋瀝作痛  
乃腎水虧損急用加減八味丸及前湯以固根本引  
火歸經 若不成膿不腐潰陽氣虛也四君加歸芪  
不生肌不收斂脾氣虛也十全大補湯 若色黯  
不潰或潰而不斂乃陰精消涸名曰腦燥為不治者

攻補得宜亦有可愈治者審焉

積熱  
挾風  
濕虛

元好問記曰予素飲酒於九月中患腦之下項之上  
出小瘡後數日腦項麻木腫勢外焮湯醫遂處五香  
連翹湯至八日不下而云不可速療十八日得膿出  
用藥或砭刺三月乃可平四月如故予記醫經云凡  
瘡見膿九死一生果如醫言則當有束手待斃之悔  
矣乃請李明之診且謂膏梁之變不當投五香事已  
無及當先用火攻之策然後用藥以大艾炷如桃核  
許者攻之至白壯乃痛覺次為處方云是足太陽膀胱  
之經其病逆當反治脉中得弦緊按之洪大而數

又且有力必當伏其所主而先其所因其始則同其終則異可使破積可使潰堅可使氣和可使必已必先歲氣無伐天和以時言之可收不可汗經與病俱禁下法當結者散之鹹以奠之然受寒邪而禁鹹諸苦寒為君為用甘寒為佐酒熱為因用為使以辛溫和氣血大辛以解結為臣三辛三甘益元氣而和血脈澹淡以導酒濕扶持秋令以益氣瀉火以入本經之藥和血且為引用既以通經為主用君以黃芩黃連黃檗生地黃知母酒藥之本經羌活獨活藁本防風防已當歸連翹以解結黃芩人參甘草配諸苦寒

者三之一多則滋營氣補土也生甘草瀉腎火補下焦元氣人參橘皮以補胃蘇木當歸尾去惡血生地黃補血酒製防已除膀胱留熱澤瀉助秋令去酒之濕熱凡此諸藥必得桔梗為舟楫乃不下沈投劑之後洎當不痛不拆食進體健予如言服之投牀太尉日出乃寤以手捫瘡腫減七八至瘡痂都斂十四日而已世醫用技豈無取効者至於治効之外乃能歷數體中不言之秘平生所見唯明之一人而已黃連見本條消毒飲一人素不慎起居飲食熾赤腫痛尺脈洪數以黃連消毒散一劑濕熱頓除惟腫硬作痛以仙

頰部 腦疽

小科三

上

方活命飲二劑腫痛悉退但瘡頭不消投十宣玉桂  
加金銀花藁朮白朮茯苓陳皮以托裏排膿彼欲全  
消自製黃連解毒散二服反腫硬不作膿始悟仍用  
十宣散加白朮茯苓陳皮半夏腫少退仍去桂又四  
劑而膿成腫勢亦退繼以八珍湯加黃耆五味子麥  
門冬月餘膿潰而愈夫苦寒之藥雖治陰證尤當  
分表裏虛實次第時宜豈可始末悉用之然焮腫赤  
痛尺脈數按之則濡乃膀胱經濕熱壅盛也故用黃  
連消毒散以解毒除濕顧腫硬作痛乃氣血凝滯不  
行而作也遂用仙方活命飲以散結消毒破血也其

瘡頭不消蓋因熱毒熏蒸氣血凝滯而然也宜用甘  
溫之劑補益陽氣托裡以腐潰之況此證原屬督脈  
經因虛火盛而出若不審其因專用苦寒之藥胃氣  
已傷何以腐化收斂幾何不致于敗耶凡瘡易消散  
易腐潰易收斂皆氣血壯盛故也一人腦疽已十  
餘日面自腫閉頭焮如斗脈洪數煩躁飲冷此胸膈  
濕熱所致用黃連消毒飲二劑次飲槐花酒二碗頓  
退以指按下腫則復起此膿已成于頸額肩頰各刺  
一孔膿並湧出口自始開更以托裏藥加金銀花連  
翹三十餘劑而愈一人患腦疽勢劇脈實用黃連

消毒散不應以金銀藤二兩水二鍾煎一鍾入酒半  
碗服之勢去三四再服漸退又加黃檗知母瓜蒌當  
歸甘草節數劑而潰止加黃芪川芎白芷桔梗數劑  
而愈一婦年將七十形實性急好酒腦疽纏繞五日  
脉緊急又濇急用大黃酒煨細切酒拌炒為末又酒  
拌人參炒入薑煎調一錢服過兩時再與得卧而止  
半身汗睡覺病已失此亦內托之意按此治因性急  
脉而制此方脉緊急且濇由其性急嗜酒以傷其  
血而然故用大黃以洩酒熱人參以養氣血也  
杜清碧病腦疽療之不愈丹溪往視之曰何不服防  
風通聖散曰已服數劑丹溪曰合以酒製之清碧乃

自悟以為不及一婦腦左腫痛左鼻出膿年餘不  
愈時或掉眩如坐舟車許叔微曰肝虛風邪襲之然  
也以川芎一兩當歸三錢羌活旋復花細辛防風蔓  
荆子石膏藥本荆芥穗半夏麩乾地黃甘草各半兩  
每服壹兩一料而愈按此條認作肝虛風邪襲之而  
因其掉眩痛偏于左也經曰諸風掉眩皆屬肝木又  
病偏左乃肝膽所主又曰風從上受之又曰無痰不  
成眩暈又曰肝藏血又曰風乃陽邪一老患此色  
故方以風熱痰血而主治者理也  
赤腫痛脉數有力與黃連消毒飲二劑少退更與清  
心蓮子飲四劑而消一婦人冬間患此腫痛熱渴  
余用清熱消毒藥潰之而愈次年三月其舌腫大遍

身發疔如葡萄不計其數手足尤多乃脾胃受毒也  
先各刺出黑血隨服奪命丹柴粒出臭汗瘡熱益甚  
便秘二百與大黃芩連各參錢升麻白芷山梔薄荷  
連翹各貳錢生甘草壹錢水煎三五沸服之大小便  
出臭血甚多下體稍退乃磨入犀角汁再服舌本及  
齒縫出臭血諸毒乃消更以犀角地黃湯而愈  
以上治按皆足太陽經積熱挾風挾濕挾虛者其  
進退出入可以用黃連消毒散之活法也  
黃連消毒飲

黃連 伍分  
黃芩 伍分  
黃檗 酒洗 伍分

人參 伍分  
知母 肆分酒炒此以苦  
寒引用通經

羌活 壹錢  
獨活 伍分  
防風 伍分

藁本 伍分  
連翹 壹錢此以  
大辛解

黃芪 壹錢  
甘草 炙伍分此以  
甘溫配諸苦

而補  
當歸身 壹錢  
生地黃 壹錢酒洗此以

辛溫之味  
陳皮 伍分不去  
甘草稍 伍分生

和血補血  
澤瀉 柒分  
此以甘

寒瀉腎火之邪  
防已 伍分酒洗除  
當歸稍 伍分

補下焦元氣  
蘇木 伍分去  
惡寒

桔梗 壹錢使諸藥  
不下凡所用之藥用酒洗併  
入酒煎者用酒熱為因為使

右俱作一服水參盞煎減壹半去滓入酒少許煎  
煎食後溫服投劑之後不得飲水必再作膿効遲  
初患三日者服之立効凡瘡皆陰中之陽陽中之  
陰二證而已東垣治疽陽藥七分陰藥三分名曰  
昇陽益胃散老人宜之亦名復煎散或加沒藥乳  
香各壹錢

右東垣論膏染肉食之變治宜苦寒不宜芳香者  
如解裏條撮要內消升麻湯孫真人單煮大黃湯  
皆為富貴肉食之輩設也

羌活當歸湯 治腦疽

黃芩

黃連各酒炒

當歸身酒浸

炙甘艸各壹兩

羌活

黃檗酒浸

連翹各伍錢

澤瀉

獨活

藁本各叁錢

防風

梔子仁各伍分

右咬咀分作四服水壹小椀先浸一時許入酒壹  
匙煎至捌分去渣太溫服食後日二服和香訖陸  
服三日服盡去渣清藥調下後檳榔散

檳榔散

檳榔為細末將羌活當歸湯調下

陳錄判母年七十餘於冬至後腦出疽形可甌面大  
衆湯醫診視俟瘡熟以鍼出膿因答待妾瘡輒內陷

頭部 腦疽

外科 三

十六

四一韭葉許面色青黃不澤四肢逆冷汗出身清時  
復嘔吐脉極沉細而遲蓋緣衰老之年嚴寒之時病  
中苦楚飲食淡薄已滌肥濃之氣獨存瘦悴之形加  
之暴怒精神愈損故有此寒變也病與時同與時醫  
議速製五香湯一劑加丁香附子各伍錢劑盡湯復  
大發隨證調治而愈內經曰凡治病必察其下謂察  
時下之宜也諸痛痒瘡瘍皆屬心火言其常也如瘡  
盛形羸邪高痛下始熱終寒此反常也固當察時下  
之宜而權治故曰經者常也法者用也醫者意也隨  
所宜而治之可收十全之功矣按此條年老冬寒宜  
溫補茲用五香湯

加丁附以辛散何也蓋因其怒氣鬱結阻礙陽氣不  
得暢運致洩山陰且脉極沉細而遲其為氣鬱可知  
矣故用五香以開結丁附以助陽則鬱散陽  
復疽乃大發此亦因其性因其脉而為治也錦衣  
葉夫人患腦疽口乾舌燥內服清熱劑敷寒涼色黯  
不煖胸中氣噎證屬陽氣虛寒彼疑素有痰火不受  
溫補詳以參芪各伍錢薑桂各貳錢一劑頓然腫潰  
又用大補藥而愈

陰虛  
火熾  
一人膿料成微痛兼渴尺脉大而無力此陰虛火動  
之證彼謂心經熱毒自服清涼降火藥愈熾復求治  
乃以四物湯加黃檗知母五味麥門黃芪及加減八  
味丸湯止瘡潰更以托裏藥兼前丸而愈

腎水虧損

一婦人年踰八十腦疽已潰發背繼生頭如粟許脉大無方此膀胱經濕熱所致脉無力血氣衰進托裏消毒藥數服稍可更加參耆雖起而渴此血氣虛甚以參芪各壹兩歸苓各伍錢麥門五味各壹錢數服渴止不潰加肉桂半餘劑膿成針之瘀肉漸腐徐徐取去而膿清不斂投十全大補湯加白斂貝母遠志三十餘劑膿稠而愈設不峻補不去腐肉以渴為火投以涼藥寧免死哉 瘡疽之證雖屬心火當分表裏虛實果元氣充實內有實火寒劑或可責効若寒涼過度使胃寒脾弱陽證變陰或結而不潰或潰而不斂陰陽乖戾水火交爭死無日矣 一人腦疽作

不斂陰陽乖戾水火交爭死無日矣 一人腦疽作渴脉雖洪按之無力予咬咀加減八味丸與之彼不信自用滋陰等藥七惡併至而歿精要曰患疽雖云有熱皆因虛而得之愈後作渴或先渴後疽非加減八味丸不能治 一人腦患疽發熱口渴醫用苦寒藥濃水益多發熱益甚面自赤色唇舌燥烈小便淋痛晝夜不寐死在反掌請薛治之乃以加減八味丸料加參芪歸朮麥冬甘草煎服之熟睡半日覺來諸證悉退不數劑而瘡愈薛曰病雖愈當固其本元彼不經意且不守禁次年患中風後患背疽而歿

頭部 腦疽

小引三

十八

瀉

一老人膿清兼作瀉脉軟而瀉予以為氣血俱虛用  
 八珍湯加黃耆五味彼不信乃服降火之劑果反作  
 嘔少食始信服香砂六君子湯四劑嘔止食進仍投  
 前湯月餘而愈一人未潰兼作瀉尺脉大而無力  
 以四物湯加黃芩知母黃耆麥門四劑而瀉減又與  
 加減八味丸瀉止瘡潰更用托裏藥兼前丸而愈  
 一人頭項俱痛雖大潰腫痛益甚兼作瀉煩躁不睡  
 飲食少思其勢可畏診其脉毒尚在與仙方活命飲  
 二劑腫痛退半與二神丸及六君子湯加五味麥門  
 酸棗仁四劑諸證少退食頗進睡少得及與參苓白

瀉

朮散數服飲食頗進又與十全大補湯加金銀花白  
 芷桔梗月餘瘥

鬼遺赤色疽發頭額及腦前并手掌中十日不愈者  
 死七日可刺出赤血七日未愈膿不可治也不愈者  
而東攻 疔疽發鬚鬚及兩耳不愈十五日死可刺  
西擊也 其膿色黑如豆豉或見血者死

其類如...  
 而...  
 取...  
 並...  
 未...  
 朱...

○面部二

○發眉

鬼遺云左右眉稜兩處發為發眉不拘在頭尾宜慮  
 未完已前攻擊在眉頭即攻入眼損睛在眉後即攻  
 下太陽並宜戒慎或問眉發疽毒何如曰此疽從  
 眉至頭生瘡黑色漸漸腫漫滿面瘡頭堅硬如石刺  
 之無膿惟出黃水痛不可忍悶亂嘔逆是也由臟腑  
 積熱風毒上攻而然急服紫金丹勝金丹汗之治命  
 飲加黃連桔梗升麻或黃連消毒飲降火消毒聖劑  
 六七日刺得黃白膿者可治乾枯紫陷刺之無膿吐

頁部約直

頁乙

逆煩躁神昏不食者死。或問眉心生疽何如。曰是名眉心疽。一名面風毒。屬足太陽膀胱經。風熱壅結。陰陽相滯而生。急服紫金丹。蟾酥丸。汗之。或一粒金丹下之。若黑色痛甚。或麻或痒。寒熱併作者。疔也。目眇眇場。詳見雜病眼目門。茲不贅。

○鼻疽

或問鼻柱上生疽何如。曰是名鼻疽。屬手太陰肺經。風熱及上焦鬱火所致。宜千金漏蘆湯。活命飲。加梔子木通薄荷桔梗。

○發髻

鬼遺云鼻下一處人中兩處為發髻。此多因摘髮外入風而結。攻作不常。寒熱相併。此亦毒入。或問兩腮及鼻下。焮腫生瘡。惡血淋漓。何如。曰此名疔疽。屬陽明胃經。二日口禁。如瘕。角弓反張。按之如疔。釘着骨痛不可忍。是也。急服烏金散。活命飲。加桔梗升麻。梔子。壯實者一粒金丹下之。稍緩則毒攻心。嘔吐不食。昏迷。躁亂。譫語者死。或問地角上生癰。何如。曰是名髑毒。屬足陽明經。風熱所致。用活命飲。加芩連。玄參。梔子。桔梗。以清熱。壯實者一粒金丹下之。若撼之有根。肌肉不仁。或麻或痒。寒熱大作。煩悶。嘔逆者。

疥也

○顴瘍

或問顴骨內卒然而痛經宿而痛甚寒熱大作何如  
曰此顴骨肉疽也屬上焦與陽明經鬱火所致宜活  
命飲加升麻桔梗乾葛水酒煎服仍與烏金散奪命  
丹汗之可消 或問一人年五十忽顴骨上初覺如  
松子漸大如胡桃不甚腫微赤微痒或云痰核或云  
結毒或作瘤治何如曰皆非也是名顴疽屬陽明經  
積熱所致用紫金丹烏金散活命飲加製過南星服  
之而消 按靈樞曰心病者顴赤又曰腎病者顴與

顏黑然則當察其色赤者宜以黃連安神丸降心火  
補心丸養心血黑者宜以地黃丸滋腎水未可專委  
之陽明鬱火也

○頰瘍

或問頰腮生瘡何如曰此名金腮瘡初如米粒漸大  
如豆久而不治潰蝕透頰屬陽明經初宜服勝金丹  
活命飲加升麻桔梗黃連消毒散選用壯實者一粒  
金丹下之治不得法潰爛不斂口吐臭痰喘急神昏  
者死

犀角升麻湯

治陽明經絡受風熱口唇頰車髮鬚

山不頰瘍

下

三

腫痛及鼻額間連頭痛不可開口雖言語飲食亦相妨

犀角 朱錢半

川升麻 半兩

防風

黃芩 各參錢半

香白芷

白附子

川芎 各貳錢半

羌活 參錢壹字

生甘草 壹錢半

右咬咀都作一服水伍盞煎至參盞半去滓分作參服一日一服訖其證必減如臟腑有些滯不妨足陽明胃經也經云腸胃為市又云陽明多血多氣胃之中脘羶五味無所不納如市廛無所不有也六經之中血氣俱多腐熟飲食之毒聚於胃故

此方以犀角為主飲食之毒陽明經絡環唇挾口起於鼻交額中循頰車上耳前過客主人循髮際至額顙昔王公患此一經亦以升麻佐之餘藥皆滌除風熱升麻黃芩專入胃經故用有效

○發頤 疥腮

或問腮臉生毒何如曰此名腮頤發肌肉浮而不著骨者名疥腮俱屬陽明風熱所致急服活命飲加玄參升連水酒煎服及紫金丹汗之或問頤骨之下顯頤之上耳前一寸三分發疽何如曰此名頤發古云不治之證屬陽明經熱毒上攻宜活命飲加升麻

桔梗黃連水酒煎服紫金丹奪命丹汗之壯實者一粒金丹下之老弱者十全大補湯黃芪內托散人參養榮湯若治不得法延及咽溢潰爛穿口不食者死嘗見一婦人患此證經水適至一醫開之嘔逆不食而死又一人患此醫用點藥潰爛臭穢以致虛火上升吐血痰譫語而死薛存忠屬足陽明胃經或外因風熱所乘或內因積熱所致若腫痛寒熱者白芷胃風湯內熱腫痛者升麻黃連湯外腫作痛內熱口乾者犀角升麻湯內傷寒涼不能消潰者補中益氣湯發熱作渴大便秘結者加味清涼飲表裏俱解而

仍腫痛者欲作膿也托裏散若飲食少思胃氣虛弱也六君子湯肢體倦怠陽氣虛弱也補中益氣湯膿毒既潰腫痛不減熱毒未解也托裏消毒散膿出而反痛氣血虛也人參內托散發熱補熱陰血虛也八珍湯惡寒發熱氣血俱虛也十全大補湯若腫焮痛連耳下者屬手足少陽經當清肝火若連頤及耳後者屬足少陰經虛火當補腎水患此而有不治者多泥風熱執用尅伐之藥耳按素問云腎熱者頤先赤故頤屬足少陰腎經也而今醫師以耳後一寸三分發銳毒者名曰發頤則是少陽分野薛氏亦以為

面部 卷用 二五三  
屬足少陰經當補腎水者何也蓋腎為相火之宅宅  
完且固而火得歸息焉則治腎正所以治少陽也此  
證傷寒汗出不徹者多患之亦有雜證客熱久而不  
散而發於頤者宜以藥速消散之失治成膿則費手  
矣若又服尅伐之藥而不滋補其氣血即穿口穿喉  
而死 一人年逾三十夏月熱病後患頤毒積日不  
潰氣息奄奄飲食少思大便不禁診脈如無經曰脈  
息如無似有細而微者陽氣衰也齊氏曰飲食不久  
大便滑利腸胃虛也以六君子加炮薑肉豆蔻破故  
紙數劑泄稍止食稍進更加黃蘗當歸肉桂瀆而膿

水清稀前藥每服加熟附壹錢數劑泄止食進膿漸  
稠再以至全大補湯加酒炒芍藥白斂月餘而愈  
地官陳用之服發散之劑寒熱已退腫痛不消此血  
凝滯而欲作膿也用托裏消毒散而膿成又用托裏  
散而潰但膿清作渴乃氣血虛也用八珍加麥門五  
味二十餘劑而愈 上舍盧懋樹患此而尺脈數證  
屬腎經不足誤服消毒之劑致損元氣而不能愈余  
用補中益氣六味丸料而痊 上舍熊棟卿頤後患  
之膿清體瘦遺精盜汗瞞熱口渴痰氣上湧久而不  
愈脈洪大按之微細屬腎氣虧損所致遂用加減八

百邪 癸頤

小兒 三

二五三

味丸料并十全大補湯而愈一婦人素內熱因怒耳下至頸腫痛寒熱此肝膽經火燥而血虛用柴胡梔子散而腫痛消用加味逍遙散而寒熱退用八珍湯加丹皮而內熱止

連翹敗毒散 治發願初腫服此消之

羌活中 獨活中 連翹上

荆芥中 防風中 柴胡中

升麻下 桔梗中 甘草下

川芎中 牛蒡子新尾上炒研碎用中

當歸尾酒洗中 紅花酒洗下 蘇木下

天花粉中

右用水壹鍾好酒壹鍾同煎至壹鍾去滓徐徐溫服如未消加穿山甲蛤粉炒壹錢腫至面者加香白芷壹錢漏蘆伍分如大便燥實者加酒浸大黃壹錢半壯者倍用之凡內有熱或寒熱交作者倍用柴胡加酒

洗黃芩壹錢酒炒黃連壹錢

加味消毒飲子 治搭腮腫

防風 荆芥 連翹

牛蒡子 羌活 甘草各等分

右為麤末水煎三兩服散毒然後用藥塗腮腫處

發願 小 三五

切不可先便用藥塗毒氣入喉中不救  
內托消毒散 治發願有膿不可消者已破未破服  
之

人參 中

黃芪 上

防風 中

白芷 中

川芎 中

當歸 中

桔梗 中

連翹 中

升麻 中

柴胡 中

金銀花 中

甘草節 中

右用水壹鍾好酒壹鍾同煎壹鍾去滓徐徐溫服  
瘡破者以玄武膏貼之四圍赤腫不退者仍以  
藥塗之兼服蠟礬丸最妙

結消毒救苦散

消腫散毒用米醋調塗傳四圍留頭

如乾即又傳

大黃 參錢

黃芩

黃連

黃檗

芙蓉葉

大薊根

白芨

白斂

天南星

半夏

紅花

檀花

當歸尾

赤小豆

白芷 各壹錢半

朴硝

雄黃 另研末以各壹錢

方用見腫消草生白芨白斂土大黃生大薊根野

苧麻根共搗成餅入朴硝壹錢和勻貼腫上留頭

發願

勿貼如乾即換之若更加山慈菇金線重樓根尤妙

百合散 治頤頰瘡一名獨骨瘡

百合

黃蘗各壹兩

白芨貳錢半

草麻子伍拾粒研

右為末用朴硝水和作餅貼之日三五次

二金散 治大人小兒蝕透腮頰初生如米豆名合

顯瘡

雞內金

鬱金

右等分為末先用鹽漿煎漱了貼之

芙蓉傳方 治頤頰腫痛或破成瘡

芙蓉葉不拘多少右搗爛傳之以帛紮定日一換

神効方 治疔腮及癰疽發背瘡癰等證

赤小豆為細末以新汲水調敷瘡上及四邊赤腫處

乾則再傳之

○面瘡

或問面遊風毒何如曰此積熱在內或多食辛辣厚味或服金石剛劑太過以致熱壅上焦氣血滯騰而作屬陽明經初覺微痒如蟲蟻行搔損則成瘡痛楚難禁宜服黃連消毒散去入參加薄荷梔子及活命

面部 面瘡

外科 二

二七

飲加桔梗升麻紫金丹烏金散選用外用祛風潤肌之劑敷之

治面部生瘡或鼻臉赤風刺粉刺用盡藥不效者惟此藥可治神妙不可言每以少許臨卧時洗面令

淨如面油用之數日間瘡腫處自平赤亦自消如風刺粉刺一夕見效仍塗藥勿近眼處

生硫黃

香白芷

瓜蒌仁

膩粉 各半錢

全蝎 米枚

蟬蛻 伍枚

羌青 米枚去足翅

右為細末麻油黃蠟約度如合面油法火熬溶取

下離火入諸藥在內每用少許塗面上

山面瘡水調平胃散塗之

千治臉上熱瘡涎出以消黃傅上瘡

東洗面藥方治面有黥點或生瘡及粉刺之類并去

皮膚燥痒垢膩潤澤肌膚

皂角 叁斤去皮另搗糯米 壹升 貳合

菜豆 捌合揀淨另搗

楮實子 兩伍 三柰子

縮砂 連皮 半兩

白芨 貳兩肥 廿松 柒錢

升麻子 半兩

白丁香 伍錢臘月收陳淨

右七味同為細末訖和菜豆糯米粉及皂角末下

處攪勻用之効

面油摩風膏

麻黃 伍錢

升麻

防風 各貳錢

當歸身

白芨 各壹錢

羌活 去皮壹兩

白檀香 伍分

右以絲裹定前藥於銀石器中用油伍兩同熬得所澄清去香以黃蠟壹兩再煎熬為度

瑩肌如玉散

白丁香

白蒺藜

白牽牛

白芨

白蘇

小椒 各壹兩

香白芷 米錢

當歸稍

升麻 各半兩

楮實子 肆錢

白茯苓 叁錢

白附子 貳錢半

麻黃 去節貳錢

連翹 壹錢半

右為細末每用半錢多少洗之

塗點黯不令生瘡

豬苓

麻黃

桂枝

白蒺藜

白附子

連翹

防風

香白芷

白蘇

當歸身

升麻根

白芨

右等分為細末洗面用之臨臥唾調少許塗面上

時瘰癧面多疥黯如雀卵色以殺羊膽壹酒貳煮參沸  
塗拭之三日瘰癧治面上粉刺搗兔絲子絞汁塗之

竹白附丹 治男子婦人面上黑斑點

白附子 壹兩 白芨 白蘇

白茯苓 蜜陀僧 白石脂

定粉 各等分

右為細末用洗面藥洗淨臨睡用乳汁如無用  
牛乳或鷄子清調和丸如龍眼大逐旋用溫漿水  
磨開傅之

白附子散 治面上熱瘡似癬或生赤黑斑點

白附子 蜜陀僧 茯苓

白芷 定粉 各等分

右為末先用蘿蔔煎湯洗面淨後用羊乳調至夜  
敷患處次早洗去效

祛風白芷散 治面上風癩瘡

白芷 叁錢 黃連 黃檗

黃丹 各貳錢 茯苓 壹錢 輕粉 壹錢

右為細末用油調搽癩瘡上或加孩兒茶貳錢麝  
香貳分亦可

○牙又發

鬼遺云左右牙又骨接處發癰疽腫處脹攻骨及牙  
關張口不得因諸風熱上攻或多食燒炙之物所為  
或因患牙癰即從牙縫中破出膿血切忌外風水觸  
犯 按此條陽明經鬱熱治宜清胃散甘露飲隨風  
通聖涼膈之屬量虛實表裏用之若服寒涼過多火  
不歸源者服理中之屬佐以薑附始安

○承漿癰

或問地角下生疽何如曰是名頰癰屬陽明胃經積  
熱所致用白芷升麻湯活命飲加升麻桔梗更服紫  
金丹汗之壯實者一粒金丹下之

○耳發

或問耳輪生疽何如曰是名耳發疽屬手少陽三焦  
經風熱所致六七日漸腫如胡桃或如蜂房之狀或  
赤或紫熱如火痛徹心是也十日刺出黃白膿者生  
刺之無膿時出鮮血飲食不下神昏狂躁者死小兒  
耳竅生者相傳指月而生恐未必然大抵風濕熱  
毒成疔故名月蝕疔瘡  
水銀膏 治月蝕瘡多在兩耳上及竅傍隨月虛盈

水銀 貳錢

胡粉 研

松脂

黃連

去鬚為末 各半兩

豬脂

等分

右先熬豬脂令沸下松脂諸末及水銀攪令勻磁盆盛先以鹽湯洗淨塗敷日三五度

胡粉散

治月蝕瘡

胡粉

炒微黃

白礬

煨

鏡丹

煨

黃連

淨

輕粉

錢

臘脂

壹錢

麝香

少許

右為末先以溫漿水入鹽洗拭後搽藥如瘡乾麻油調敷

○耳內瘡

或聞耳中生毒何如曰耳中所患不同皆由足少陰手少陽二經風熱上壅而然其證有五曰停耳亦曰耳濕常出黃膿有耳風毒常出紅膿有纏耳常出白膿有耳疳生瘡臭穢有震耳耳內虛鳴常出清膿雖有五般其源一也皆不寒熱有耳聾耳痔則不作膿亦不寒熱外無腫腫但耳塞不通已上纏綿不已令久耳聾活命飲黃連消毒飲治之若寒熱間作內外紅腫疼痛日增者為耳癰用活命飲加升麻桔梗紫金丹為金散壯實者一粒金丹下之若寒熱大作痛楚難禁者疔也作疔治之

此內瘡

小

三十二

東垣黍粘子湯 治耳內痛生瘡

桔梗 半兩

柴胡

黃芪 各參分

連翹

黃芩

黍粘子

當歸稍

生地黄

黃連 各貳分

蒲黃

甘草 炙

草龍膽

昆布

蘇木

生甘草 各壹分

桃仁 壹錢

紅花 少許

右件剉如麻豆大 作一服水貳大盞煎至壹盞去

渣少熱服食後忌寒藥利大便

羅治耳內生瘡者為足少陰是腎之經也其氣通於

耳其經虛風熱乘之隨脉入於耳與氣相搏故令耳

門生瘡也曾青散主之

曾青散 治耳內有惡瘡

雄黃 朱錢

曾青 半兩

黃芩 貳錢

右件搗為細末研勻每用少許納耳中有膿出即以綿杖子拭乾用之

黃連散

黃連 半兩

白礬 枯柴錢半

右搗為細末每用少許綿裹納耳中

餘詳雜病第八耳門

○耳根毒

或問耳根結核何如曰是名耳根毒狀如痰核按之  
不動而微痛屈足少陽膽經兼三焦經風熱所致用  
活命飲加升麻柴胡水酒煎服或烏金散汗之壯實  
者一粒金丹汗之老弱皆黃芪內托散十宣散托之  
一人勞倦耳下焮腫惡寒發熱頭疼作渴右脉大  
而軟當服補中益氣湯彼自用藥發散遂致嘔吐殆  
信乎用六君子湯更服補中益氣湯而愈 太抵肉  
傷榮衛失守皮膚間無氣滋養則不任風寒胃氣下  
陷則陽火上衝氣喘發熱頭痛脉大此不足證也誤

作外感表實而反瀉之寧免虛虛之禍東垣云肉傷

右脉大外感左脉大當以此別之按左脉大屬外感

形觀色審證察之以此脈乃得不誤汗亦難憑必須察

寒作勞患頭疼發熱惡寒骨節疼無汗安語脉洪數

而左甚治以參芪歸木陳皮甘草每貼加附子壹片

五貼而愈又少年九月間發熱頭痛妄語木渴

形肥脉數大左甚以參木君茯苓臣芪附片使

蓋人肥而脉左大乎右事急矣非附則參芪無捷効

五十貼大汗而愈此皆左脉大丹溪悉入一婦耳

內傷治之若依東垣認作外感寧不殺入一婦耳

下腫痛發寒熱與荆防敗毒散四劑表證悉退以散

腫潰堅湯數劑腫消大半再以神効瓜蒌散四劑而

平一人肝經風熱耳下腫痛發熱脉浮數以薄荷

并治之而消一婦因怒耳下腫痛以荆防敗毒散

耳根毒

外科

三

加連翹黃芩四劑而愈。嘗以此句曰不消者以益氣血藥及飲遠志酒並効無膿自消有膿自潰。一婦因怒耳下癩痛頭痛寒熱以荆防敗毒加黃芩表證悉退但飲食少思日晡發熱東垣云雖有虛熱不可大攻熱去則寒起遂以小柴胡加地骨皮芩歸苓木陳皮十餘貼而愈次年春復腫堅不潰用八珍湯加香附柴胡地骨皮桔梗服至六七貼以爲延緩仍服人參敗毒散勢愈盛又服流氣飲則盜汗發熱口乾食少至秋復求診視氣血虛極辭之果歿。一人每怒耳下腫或脇作痛以小柴胡湯加青皮紅花桃

仁四劑而愈。一女性急好怒耳下常腫痛發寒熱肝脉弦急投小柴胡加青皮牛蒡子荆芥防風而寒熱退更以小柴胡湯對四物數劑而腫消其父欲除病根予謂肝內主藏血外主榮筋若恚怒氣逆則傷肝肝主筋故筋蓄結而腫須要自加調攝庶可免患否則肝迭受傷不能藏血血虛則難差矣後不戒果結三核屢用追蝕不斂而沒。一人遠途勞倦發熱脉大無力耳下患腫此勞損也宜補中益氣養榮湯自然熱退腫消彼不聽服降火藥及必効散果吐瀉不食而死。夫勞倦損氣氣衰則火旺火乘脾土故

耳部 耳根毒

耳部 耳根毒

三五五

倦怠而熱此元氣傷也丹溪曰宜補形氣調經脈其  
瘡自消不可汗下若不詳脈症經絡受病之異而輒  
用峻厲之劑鮮不危矣

○耳後疽 參發願

或問耳後一寸三分生疽古云不治之證今有一人  
年二十四歲耳後結塊如拳肉色不變亦不甚痛七  
日不食何如曰此名耳後毒非癭也隔蒜灸之活命  
飲加柴胡桔梗升麻八陣散下之愈 張通府耳後  
髮際患腫一塊無頭肉色不變按之微痛彼謂痰結  
脈軟而時見數經曰脈數不時見痰也非痰也仲景

云微弱之脈主血氣俱虛形精不足又曰沉遲軟弱  
皆宜托裏遂用參芪歸朮川芎炙甘草以托裏少加  
金銀花白芷桔梗以消毒彼謂不然內飲降火消痰  
外貼涼藥覺寒徹腦患處太熱頭愈重食愈少復請  
治以四君子加藿香炮乾薑數劑食漸進膿成刺之  
更以十全大補湯去桂灸以豆豉餅又月餘而愈  
羅宗伯耳後髮際患毒癩痛脈數以小柴胡加桔梗  
牛蒡子金銀花四劑而愈 一人耳後患毒脈證俱  
實宜用內疎黃連湯彼以嚴冬不服寒劑竟卒不起  
一人耳後寸餘發一毒名曰銳疽癩痛寒熱煩燥

喜冷此膽經蘊熱而然先用神仙活命飲一劑勢減  
二三時值仲冬彼惑于用寒遠寒之禁有用十宣托  
裏之藥勢漸熾耳內膿潰喉腫開藥不能下而沒

○總論

聾耳瘡屬手少陽三焦經或足厥陰肝經血虛風熱  
或肝經燥火風熱或腎經虛火等因若發熱熾痛屬  
少陽厥陰風熱用柴胡梔子散若內熱疰痛屬前二  
經血虛用當歸川芎散若寒熱作痛屬肝經風熱用  
小柴胡湯加山梔川芎若內熱口乾屬腎經虛火用  
加味地黃丸如不應川加減八味丸餘當隨證治

文選姚海山耳根赤腫寒熱作痛此屬三焦風熱  
也但中氣素虛以補中益氣加山梔炒黃芩牛蒡子  
滾之而愈 一儒者因怒耳內作痛出水或用祛風  
之劑筋攣作痛肢體如束此肝火傷血也用六味丸  
料數服而愈 舉人毛石峰子年二十耳內出水或  
作痛年餘矣脉洪數左尺益甚此屬肝腎二經虛熱  
也用加減八味丸料一劑而愈 一男子每入房耳  
內或作痒或出水常以銀簪探入甚喜陰涼此屬腎  
經虛熱也用加減八味丸而愈 一婦人因怒發熱  
每經行即兩耳出膿兩太陽作痛以手按之痛稍止

怒則胸脇乳房脹痛或寒熱往來或小便頻數或小  
腹脹悶此皆屬肝火血虛也先用梔子清肝散二劑  
又用加味道遙散數劑諸證悉退又以補中益氣加  
五味而全愈 一婦人經行後因怒氣勞役發熱寒  
熱耳內作痛余以經行為血虛用八珍湯加柴胡怒  
氣為肝火用加味道遙散勞役為氣傷用補中益氣  
湯加山梔而愈 一婦人耳內作痛或腫聾寒熱發  
熱面色素青黃經行則變赤余以為怒氣傷肝鬱結  
傷脾用加味歸脾湯加味道遙散而愈 一婦人耳  
內腫痛寒熱口苦耳內出米炊連頸項飲食少思此

肝火甚而傷脾也用小柴胡湯加山梔牡丹皮稍愈  
用加味道遙散及八珍湯加柴胡山梔丹皮調補肝  
脾而全愈 一孀婦或耳內外作痛或項側結核肉  
熱晡熱月經不調唾痰少食胸膈不利余以為鬱怒  
傷肝脾朝用歸脾湯以解脾鬱生脾氣夕用加味道  
遙散以清肝火生肝血而愈 太卿魏莊渠癸卯仲  
冬耳內作痛左尺洪大而澀余曰此腎水枯竭不能  
生肝木當滋化源彼不信仍雜用直補之劑余謂其  
昏陸時若曰莊渠不能生腎水來春必不能起至明  
年季春十八日復請治昏憤不語願耳之分已有膿

矣且卵縮便數方信余言求治辭公克用六味丸料  
壹鍾陰莖舒出小便十減六七神思頓醒余曰若破  
膿出庶延數日為立嗣之計否則膿從耳出死立待  
矣或謂不破可生者余因歸歸翌日果耳內出膿至  
二十一日巳未火日而卒 憲副姜時川癸卯冬右  
手寸口浮數而有痰口內若有瘡然余曰此胃火傳  
於肺也當薄滋味慎起居以禦之甲辰秋尺肌洪數  
而無力余曰此肺金不能生腎水無根之火上炎也  
宜靜調養滋化源以治之彼云今喉耳不時燥痛肢  
體不時發熱果是無根之火殞無疑矣後會劉古峽

云姜公之病已如尊料遂拉同往視喉果腫潰脉愈  
洪大又誤以為瘡毒而投苦寒之劑卒於仲春二十  
八日乃藥之促其亡也不則尚能延至仲夏  
當歸川芎散 治手足少陽經血虛瘡證或風熱耳  
內痒痛生瘡出水或頭目不清寒熱少食或婦女  
經水不調胸膈不利脇腹痞痛

- 當歸
- 川芎
- 柴胡
- 白朮
- 芍藥 各壹錢
- 山梔 炒壹錢
- 牡丹皮
- 茯苓 各捌分
- 蔓荊子
- 甘草 各伍分

本草 各伍分 小年三 三七

右水煎服

若肝氣不平寒熱加地骨皮肝氣實加柴胡黃

芩氣血虛加參芪歸地脾虛飲食少思加苓

朮脾虛胸膈不利加參芪痰滯胸膈加朮半

肝氣不順胸膈不利或小腹痞滿或時攻痛加青

皮肝血不足胸膈不利或小腹滿痛加熟地黃

肝血虛寒小腹時痛加肉桂日晡發熱加歸

地

梔子清肝散

一名柴胡  
梔子散

治三焦及足少陽經風熱

耳內作痒生瘡或出水疼痛或胸乳間作痛或寒

熱往來

柴胡

梔子炒

牡丹皮

各壹錢

茯苓

川芎

芍藥

當歸

半蒴子

炒各柒分

甘草

伍分

右水煎服

若太陽頭痛加羌活

加味地黃丸

治肝腎陰虛瘡證或耳內痒痛出水

或眼昏痰氣喘嗽或作渴發熱小便赤澀等證

乾山藥

山茱萸

牡丹皮

澤瀉

白茯苓

熟地黃

柴胡

五味子

各另為末等分

右將二地黄拍碎酒拌濕杵膏入前末和勻加煉  
蜜為丸桐子大每服百丸空心白湯送下不應  
用加減八味丸

以和山黃子 命和習金靈膏在如耳內率齧出米

式米煎丸 蒜太調煎蘇味散

當歸 半莖七 甘草 廿錢

茯苓 川芎 芒藥

柴胡 附子 桂枝 芍藥

燕封米 燕封米 燕封米 燕封米

口齒部 四

○口瘡 詳雜病第八口門此按其遺者耳

丹王四叔公口瘡舌強多痰

白朮 甘草稍 壹錢 人參

赤芍藥 木通 生地黃 半錢

黃連 炒壹錢 瓜蒌子 拾貳枚

右作一貼煎

羅黃連升麻湯 治口舌生瘡

升麻 壹錢半 黃連 叁錢

右為細末綿裹含津嚥

辛能散毒

丹治口瘡黃檗多同細辛各貳錢研極細傅之噉少時當滿口有涎吐之少刻又傅又噉如是五七次愈

羅綠袍散 治大人小兒口瘡多不効者

黃檗 肆兩 甘草 炙貳兩 青黛 壹兩

右先取二味為末入青黛同研勻乾貼

衍黃檗蜜炙與青黛各壹分同為末入生龍腦壹字研勻治心脾熱舌頰生瘡當搽瘡上有涎即吐之

垣蜜藥散 治口瘡久不愈者用黃藥不計多少蜜炙灰色為細末乾搽上臨卧忌酒醋醬犯之則瘡

難愈

丹好酒煮黃連呷下立愈

本治膈上熱極口舌生瘡

膩粉 壹七 杏仁 米粒不去皮尖

右二味臨卧時細嚼令涎出則吐之用溫湯嗽口未痊可又用

肘治口瘡以薔薇根避風處打去壬煮濃汁溫含冷

易之

衍五倍子治口瘡以末搽之便可飲食

本治口瘡以膽礬一塊用白沸湯泡開含漱一夕可

收緩能

口瘡

小

五

瘡八分一方用白礬湯漱口亦妙凡口瘡用西  
瓜漿水瘡甚者以此徐徐飲之冬月無留皮燒灰噙  
之

寶執

治口瘡以好墨研螻蛄極細傳之立效胡氏螻蛄走  
小瘡勝脫其効甚捷因力峻氣猛陰虛氣上致瘡者  
戒勿用惟體實有熱在上焦者用之

子和治一男子病口瘡數年上至口中至咽噎下至  
胃腕皆痛不敢食熱物一涌一泄一汗去其九次

服黃連解毒湯不十餘日皆釋

瘡大

丹口瘡服涼藥不愈者此中焦氣不足虛火沉上先

用理中湯甚則加附子

本治滿口生瘡此因虛火上攻口舌生瘡

草烏頭壹枚

南星壹枚

生薑壹塊

右焙乾為細末每服貳錢臨卧時用醋調作掩子

貼手足心來日便愈

丹口瘡以遠志醋研鵝毛掃患處出涎

本治口鼻生瘡用生薑壹塊臨睡時細嚼含睡不得

開口出氣眼着不妨睡覺燕下

保半夏散治少陰口瘡聲絕不出者是寒遏絕陽

氣不伸半夏製壹兩桂烏頭各壹水同煎壹盞

口瘡

小

三

分作二服

甘礬散 治太陰口瘡

甘草 貳寸 白礬 栗子 右含化 嚥津

乳香散 治赤口瘡

乳香 沒藥 各壹錢 白礬 半錢 銅綠 少 研末 搽之

沒藥散 治白口瘡

乳香 沒藥 雄黃 各壹錢 輕粉 半錢 巴豆 霜 少 爲

末 搽之

丹 治口瘡 豬蹄殼 燒爲末 傅之 立止 張氏 治口瘡

與走馬疳 茄蒂 中木 去皮 燒存性 入少白梅灰 與少

礬細末 傅之 立安

羅紅芍藥散

心病口瘡 紫桔紅蒼 三錢 四兩 五服 安康

右件紫苑 桔梗 紅芍藥 蒼朮 各等分 爲細末 羊肝

肆兩 批開 搽藥末 參錢 用麻絮 定火內 燒令熟 空

心食之 白湯 送下 大効

聖主 小兒口瘡 通白者 及風疔瘡 蝕透者 以白僵蠶

炒令黃色 拭去蠶上黃肉毛 爲末 用蜜和 傅之 立効

陳主 口內熱瘡 以古文錢 貳拾文 燒令赤 投酒中 飲

之 立瘥

口瘡

小兒

白瘡

口舌生瘡胸膈疼痛用炒或細末含一宿便瘥

聖治口瘡用縮砂不拘多少火煨為末摻瘡即愈

又法用檳榔燒灰存性為末入輕粉傅之

于治口瘡取桑樹汁先以髮拭口即以汁傅之

垣化毒法凡口瘡無問新舊遇夜卧將自己兩丸以

手握緊左右交手揉三五十遍但遇夜睡覺行之如

此三五度因酒而生者一夜愈久病諸口瘡三二夜

愈如鼻流清涕惡寒者攪二丸向上揉之數夜可愈

○牙癰

或問牙根生癰何如曰此名附牙癰屬足陽明胃經

熱毒所致宜服清胃散黃連消毒飲或刺出惡血則愈

清胃散 治膏梁積熱唇口腫痛齒齦潰爛喉痛連

頭面或惡寒發熱

升麻 貳錢

生地黄

牡丹皮

黃連

當歸 酒洗各壹錢

右水煎服痛未止石膏之類可量加

○骨槽風

或問牙齦腫痛寒熱大作腐爛不已作疔治之無益何如曰此骨槽風也一名穿腮毒由憂愁思慮驚恐

口舌生瘡

牙癰

口舌

悲傷所致初起生於耳下及頸項間隱隱皮膚之內  
 略有小核漸大如胡桃日增紅腫或上或下或左或  
 右牙關緊急不能進食先用鷲翎探吐風痰服黃連  
 解毒湯活命飲加玄參桔梗柴胡黃芩切不可用刀  
 針有一人因用藥點破入風虛火上升嘔吐血痰譫  
 語臭穢不食而死又一人上齒根連外腫痛後齒根  
 潰膿醫者皆以牙癰治之久而不斂濃汁不絕詢其  
 故乃曾生廣瘡者即以結毒治之而愈  
 東垣神功丸 治多食肉人口臭不可近牙齒疳蝕  
 斷肉將脫牙落血出不止

黃連 去鬚淨酒洗壹兩 縮砂仁 半兩 生地黄 酒浸

甘艸 各叁錢 藿香葉 木香 當歸身 各壹錢 升麻 貳錢 蘭香葉 如無以藿香葉

代之貳錢  
 右為細末水浸蒸餅為丸菜豆大每服壹百丸加  
 至貳百丸止白湯下食後服兼治血痢及下血不  
 正血下褐色或紫黑色及腸澼下血空心米飲送  
 下其脉洪大而緩及治麻木厥氣上衝逆氣上行  
 腰間者

○上膠癰

上膠癰

或問上膠生疽狀如紫蒲萄何如曰是名懸癰屬手  
太陰手厥陰心包絡令人寒熱大作者不能伸縮口  
不能開闔惟欲仰面而卧鼻中時出紅涕屬手足少  
陰經及三焦積熱所致宜黃連消毒飲加桔梗玄參  
急刺出惡血犀角琥珀膏敷之壯實者一粒金丹下  
之過時不治飲食不入神昏脉亂者死

○唇瘡

世唇瘡以醃上滴下汗傳之累効如神

羅多効散 治唇緊瘡及疹

訶子肉

五倍子 各等分

右為細末乾貼上効

丹唇黃泡腫烏頭炒灰研香油調傅之 胡氏方

唇上生瘡連年不瘥以八月藍葉壹斤搗取汁洗之

不過三日瘥 千金方

唇上生瘡用白荷花瓣貼之神効如開裂出血者即

止

五  
 一  
 二  
 三  
 四  
 五  
 六  
 七  
 八  
 九  
 十  
 十一  
 十二  
 十三  
 十四  
 十五  
 十六  
 十七  
 十八  
 十九  
 二十  
 二十一  
 二十二  
 二十三  
 二十四  
 二十五  
 二十六  
 二十七  
 二十八  
 二十九  
 三十  
 三十一  
 三十二  
 三十三  
 三十四  
 三十五  
 三十六  
 三十七  
 三十八  
 三十九  
 四十  
 四十一  
 四十二  
 四十三  
 四十四  
 四十五  
 四十六  
 四十七  
 四十八  
 四十九  
 五十  
 五十一  
 五十二  
 五十三  
 五十四  
 五十五  
 五十六  
 五十七  
 五十八  
 五十九  
 六十  
 六十一  
 六十二  
 六十三  
 六十四  
 六十五  
 六十六  
 六十七  
 六十八  
 六十九  
 七十  
 七十一  
 七十二  
 七十三  
 七十四  
 七十五  
 七十六  
 七十七  
 七十八  
 七十九  
 八十  
 八十一  
 八十二  
 八十三  
 八十四  
 八十五  
 八十六  
 八十七  
 八十八  
 八十九  
 九十  
 九十一  
 九十二  
 九十三  
 九十四  
 九十五  
 九十六  
 九十七  
 九十八  
 九十九  
 一百

項部 五

○百脉疽

鬼遺云百脉疽腫起環頸項疼痛身體大熱不敢動  
 止稍稍不能食此有大畏恐駭上氣咳嗽其發引耳  
 不可以腫十五日可刺導引不刺導引見血八十月  
 必死

○頸癰

靈樞云發於頸者名曰天疽其癰大而赤黑不急治  
 則熱氣下入淵腋前傷任脉內熏肝肺熏肝肺十餘  
 日而死矣 或問頸上生癰疽何如曰是頸癰也屬

百脉疽 頸癰

手少陽三焦經鬱火積憤驚惶所致初覺卽隔蒜灸  
服活命飲加玄參桔梗升麻及勝金丹奪命丹汗之  
壯實者一粒金丹下之老弱者十全大補湯人參養  
榮湯若潰而不斂煩躁脹滿小便如淋嘔吐者死  
一婦頸痛不消與神効瓜蒌散六劑少退更以小柴  
胡加青皮枳殼貝母數劑痛腫減大半再以四物對  
小柴胡數劑而平一人神勞多怒頸腫一塊久而  
不消諸藥不應予以八珍湯加柴胡香附每自更隔  
蒜灸數壯日飲遠志酒貳叁盞漸消一婦月水不  
行漸熱欬嗽肌體漸瘦胸膈不利頸腫一塊日久不

消令服逍遙散月餘更服八珍湯加牡丹皮香附又  
月餘加黃芪白斂兩月餘熱退腫消經行而愈一  
人年踰三十每勞心過度頸腫發熱服敗毒散愈盛  
用補中益氣湯數貼而消一人因暴怒項下腫痛  
胸膈痞悶蒸發熱用方脉流氣二劑胸膈利以荆防  
敗毒散二劑而熱退肝脉尚弦瀉以小柴胡加芎歸  
芍藥四劑脉證頓退以散腫潰堅丸一料將平惟一  
核不消服遇神仙無比丸貳兩而瘳一兒甫周歲  
項患胎毒予俟有膿刺之膿出梳許乳食如常用托  
裡藥月餘而愈又一兒患此待膿自出幾至不救

大抵瘡淺宜砭深宜刺使瘀血去於毒聚之始則易消也况小兒氣血又弱膿成不針不砭鮮不斃矣一人項下患毒膿已成因畏針焮延至胸赤如霞其脈滑數飲食不進月餘不寐甚倦予密針之膿出即睡覺而思食用托裏散兩月餘而愈又一人患此及時針刺數日而愈一人素虛患此不針潰透頰頰血氣愈虛而死一婦因怒頸腫後月水不通四肢浮腫小便如淋此血分證也先以椒仁丸數服經行腫消更以六君子湯加柴胡枳殼數劑頸腫亦消矣亦有先因小便不利後身發腫致經水不通名曰水分

宜葶藶丸治之良方云婦人腫滿若先因經水斷絕後致四肢浮腫小便不通名曰血分水化為血血不通則復化為水矣宜服椒紅丸

○項中疽

或問頸後腦下發疽何如曰此即對口瘡也屬督脈陽獨盛氣有餘火炎上而發疽也急服烏金散勝金丹汗之壯實者一粒金丹下之稍遲潰出膿水入風發搖者難治有毒邪壅盛鮮血暴湧而灰毒攻心腹膨脹譫語者死此證焮赤腫痛可治若根大精神昏憤即難治也量表裏虛實而為汗下內托內消外

用大團藥糰住中點六灰膏之類破泄其毒不可走  
失根脚若欲流兩肩脊者不可療也或云先服追疔  
奪命湯二點後服活血化毒湯

治對口瘡效切用新鮮茄蒂柴箇秤若干重又用鮮  
何首烏秤同茄蒂重用水壹鍾半煎服一服出膿  
一服收口如無鮮茄蒂首烏乾者亦可但不及鮮  
者有力此方輕劑不可以治重病觀者勿泥也

○天柱疽

或問天柱骨上極痒入骨惡心吐逆肩背拘急何如  
曰此名天柱疽急隔蒜灸痒止為度無蒜明灸可治

服活命飲加羌活桔梗烏金散勝金丹選用多而  
泡者吉無泡者凶服汗劑得汗可治無汗難治若潰  
爛神昏嘔噦惡心血不止者死

○疔疽 參耳後

或問頸上兩耳後生疽何如曰此名疔疽初不甚腫  
但痛痒不時而出清水漸漸長大如玳瑁斑點者是  
也亦名化骨瘡急服八陣散奪命丹活命飲加桔梗  
柴胡若過時潰爛日久出骨者太惡之證也此證多  
生於積鬱之人七惡多見犯禁者不治

○夾喉疽

天柱疽 小耳三 五七

或問喉之兩旁生疽何如曰此名夾疽屬手少陰心經足太陰脾經足厥陰肝火熱毒上攻而然宜琥珀犀角膏犀角散黃連消毒飲活命飲加玄參桔梗黃連瀆內者難治虛火上升痰壅飲食不進者死

○結喉癰

靈樞云癰發于喉中名曰猛疽猛疽不治化為膿膿不瀉塞咽半日死其化為膿者瀉則合豕膏冷食三日而已或問當結喉生癰何如曰是名喉癰又名猛疽以其勢毒猛烈可畏也屈任脉及手太陽手少陰經積熱憂憤所致急宜清熱攻毒用琥珀犀角膏

及黃連消毒飲紫金丹烏金散選用壯實者一粒金丹下之若過時不治潰穿咽隘者死

○瘰癧馬刀

結核連續者為瘰癧形長如蛤者  
在耳後耳前或在耳下連及頤頰或在頸下  
連缺盆皆謂之瘰癧或在胸及胸之側或在  
兩脇皆謂之馬刀  
手足少陽主之

集驗云夫瘰癧瘡者有風毒熱毒氣毒之異瘰癧結核寒熱之殊其證皆由忿怒氣逆憂思過甚風熱邪氣內搏於肝經蓋怒傷肝肝主筋故令筋縮結畜而腫也其候多生於頸項胸腋之間結聚成核初如豆粒後若梅李累累相連大小無定初覺增寒壯熱咽

瘰癧 小年三 五三

項強痛腫結不消者便當服散腫潰堅湯或五香連  
翹漏蘆湯之類散之或用牡蠣大黃湯疎利三兩行  
瘡上可用十香膏之類貼之及諸淋洗敷貼等藥治  
之庶得消散若不散可用內消丸之類消之或隔蒜  
灸之仍斷慾息氣薄滋味調理之不然恐日久變生  
寒熱咳嗽而成勞瘵之疾不可治矣又有馬刀瘡亦  
生於項腋之間有類瘰癧但初起其狀如馬刀赤色  
如火燒烙極痛此瘡甚猛宜急治之不然多成危殆  
也臨證辨之丹溪云夫瘰癧初發必起於少陽經  
不守禁戒必延及陽明經大抵食味之厚鬱氣之積

曰毒曰風曰熱皆此二端招引變換須分虛實彼實  
者固易治自非痛斷厚味與發氣之物雖易亦難殊  
為可慮以其屬膽經主決斷有相火而且氣多血少  
婦人見此若月經行不作寒熱可生稍久轉為潮熱  
其證危矣自非斷欲絕慮食淡雖神聖不可治也  
戴復菴云瘰癧之病皆血氣壅結根在臟腑多結於  
頸項之間繫繫大小無定發作寒熱膿血潰爛或此  
沒而彼起宜於隔宿用米飲調下桂府滑石貳錢鐘  
動時進黑白散必有物如葡萄肉從小便出至數枚  
其腫核則愈仍常服四七湯加木香或蘇子降氣湯

其匝頸者俗名蟠蛇癰難治 薛新甫云癰癰之病  
屬三焦肝膽二經怒火風熱血燥或肝腎二經精血  
虧損虛火內動或悲怒氣逆憂思過甚風熱邪氣內  
搏於肝蓋怒傷肝肝主筋肝受病則筋累累然如貫  
珠也其候多生於耳前後項腋間結聚成核初覺憎  
寒惡熱咽項強痛若寒熱熾痛者此肝火風熱而氣  
病也用小柴胡湯以清肝火并服加味四物湯以養  
肝血若寒熱既止而核不散者此肝經火燥而血  
病也用加味道遙散以清肝火六味地黃丸以生腎  
水若腫高而稍軟面色痿黃皮膚壯熱膿已成也可

用針以決之及服托裏之劑若經久不愈或愈而復  
發膿水淋漓肌體羸瘦者必純補之劑庶可收斂否  
則變成九癰內經曰陷脈為癰留連肉腠即此病也  
外用豆豉餅琥珀膏以驅散寒邪補接陽氣內服補  
中益氣湯六味丸以滋腎水培肝木健脾土亦有可  
愈者大抵肝膽部分結核不問大小其脈左關弦緊  
左尺洪數者乃腎水不能生肝木以致肝火爆而筋  
攣須用前藥以滋化源是治其本也外臺秘要云肝  
腎虛熱則生癰病機云癰癰不係膏梁丹毒火熱之  
變因虛勞氣鬱所致止宜補形氣調經脈其瘡自消

自形 癰癰 五

散蓋不待汗之下之而已也其不詳脉證經絡受病之異者下之則犯經禁病禁虛虛之禍如指諸掌若脉洪大元氣虛敗為不治若面眇白為金針未亦不治若眼內赤脉貫瞳人見幾條則幾年死使不從本而治妄用伐肝之劑則誤矣蓋伐肝則脾土先傷脾傷則損五臟之源矣可不慎哉 按脉經云人年五六十其脉浮大者邪俠背行苦腸鳴馬刀俠瘦者皆為勞得之可見瘰癧之證多起於虛也薛氏之論可為典要故詳著之

**治瘰癧次第** 初覺增寒壯熱咽項強痛腫結不消者以

羌活連翹湯又宜長服消癧丸却以稜針刺破出血以拔毒湯熱淋洗一日洗五七次針五七次放蟾酥末少許於針處上以琥珀膏貼之更以內消膏貼之久久自然消也如不散者用鐵筒拔毒膏點破次以下品錠子取去惡肉可作潰瘍治之用十宣散之類托裏若毒攻心嘔吐者用粉乳托裏散發出毒此要兼針灸法同施若已潰不愈者宜益氣養榮湯入物湯用柴胡地骨皮夏枯草香附子貝母多服取效凡用錠子藥線必用托裏之劑服之 焮赤腫痛脉沉數者邪氣實也宜泄之以化毒消腫和裏散加減

瘰癧

小兒

五

腫痛憎寒發熱或拘急脈浮數者邪在表也宜散  
表以荆防敗毒散加減因怒結核或腫痛或發熱  
者宜疎肝行氣以小柴胡湯加青皮青木香紅花桃  
仁腫硬不潰者宜補氣血以益氣養榮湯折鬱  
所致者解鬱結調氣血以益氣養榮湯潰後不斂  
者屬氣血俱虛宜大補以益氣養榮湯次用十全大  
補湯加香附子貝母遠志虛勞所致者宜補之先  
以補中益氣湯次以益氣養榮湯加減因有核潰  
而不斂者腐而補之以針頭散腐之以益氣養榮湯  
補之脈實而不斂或不消者下之以羌活連翹湯

腫痛發寒熱大便秘以羌活連翹湯次以神仙活  
命飲耳下結核腫痛發寒熱宜荆防敗毒散表證  
悉退以散腫潰堅湯潰後核不腐以益氣養榮湯  
更敷針頭散腐之腫硬久不消亦不作膿服散堅  
敗毒藥不應宜灸肘尖肩尖服益氣養榮湯而消  
氣血壯實之人脈沉實而大者亦不覺損方可進必  
効散遇仙無比丸下其毒若其毒一下即止一藥更  
服益氣養榮湯調理瘡口不斂宜用豆豉餅灸之  
以琥珀膏十香膏貼之潰後發熱煩躁作渴脈太  
無方此血虛也宜以當歸補血湯次以聖愈湯再入  
真不瘰癧

物湯加貝母遠志 每勞心過度頸腫發熱服敗毒藥愈甚以補中益氣湯數劑而消

**治驗** 閣老楊石齋子年十七發熱作渴日晡煩赤左

關人脈大而浮此肝腎陰虛用補陰八珍湯五十餘劑又加參芪二十餘劑而潰但膿水清稀肌肉不生乃以參芪歸朮為主佐以芍藥熟地麥門五味濃水稠而肌肉生更服必効散一劑癰毒去而瘡口斂容臺張美之善怒孟春患此或用伐肝之劑不愈余以為肝血不足用六味地黃丸補中益氣湯以滋化源至季冬而愈 一儒者愈後體瘦發熱晝夜無定

此足三陰氣血俱虛用八珍加麥門五味二十餘劑又用補中益氣加麥門五味及六味丸而愈 儒者

張子容素善怒患此久而不愈若出鮮血左關弦洪重按如無此肝火動而血妄行證屬氣血俱虛用補

中益氣湯以補脾肺用六味丸以滋腎肝而愈 一人耳下患五枚如貫珠年許尚硬面色痿黃飲食

不甘勞而發熱脈數軟而濇以益氣養榮湯六十餘劑元氣已復患處已消一核尚存以必効散二服而

平 一人先於耳前耳下患之將愈延及項側缺盆三年遂延胸腋診之肝脈弦數以龍會散堅二丸治

自不瘳

之將愈肝脈尚數四年後小腹陰囊內股皆患毒年  
餘不斂脈診如前以清肝養血及前丸而愈一人  
因怒耳下及缺盆患癰潰延腋下行氣頗實瘡口不  
谷治以散腫潰堅丸而愈一人因勞而患怠惰發  
熱肌洪大按之無力宜用補中益氣湯彼不信輒服  
攻伐之劑吐瀉不止而死大抵此證原屬虛損若  
不審虛實而犯病禁經鮮有不誤常治先以調經  
解鬱更以隔蒜灸之多自消如不消即以琥珀膏貼  
之候有膿則針之不則變生他證設若蕪痰兼陰虛  
等症只宜加兼症之劑不可干擾餘經或氣血已復

而核不消却服散堅之劑至月餘不應氣血亦不覺  
損方進必效散或遇神仙無比丸其毒一下即止二  
藥更服益氣養榮湯數劑以調理瘡口不斂豆豉餅  
琥珀膏貼氣血俱虛或不慎飲食起居七情者俱不  
治然此證以氣血為主氣血壯實不用追蝕之劑彼  
亦能自腐但取去使易于收斂若氣血虛不先用補  
劑而數用追蝕之藥適足以敗矣若發寒熱眼內有  
赤脈貫瞳人者亦不治一脈者一年死二脈者二年  
死一人患之痰盛胸膈痞悶脾胃肌弦此脾土虛  
肝木乘之也當貫脾土伐肝木為主彼以治痰為先

頁部 癰疽

乃服苦寒化痰藥不應又加破氣藥病愈甚始用六  
君子湯加芫歸數劑飲食少思以補中益氣湯倍加  
白朮月餘中氣少健又以益氣養榮湯四月腫消而  
血氣亦復矣夫右關脈弦弦屬木乃木盛而尅脾土  
為賊邪也虛而用苦寒之劑是虛虛也况痰之為病  
其因不一主治之法不同凡治痰利藥過多則脾氣  
愈虛虛則痰愈易生如中氣不足必用參朮之類為  
主佐以痰藥一人久而不斂神思困倦脈虛予欲  
投以托裏彼以為迂乃服散腫潰堅湯半月餘果發  
熱飲食愈少復求治投益氣養榮湯三月喜其謹守

得以收救 齊氏曰結核癰瘰初覺宜內消之如經  
久不除氣血漸衰肌寒肉冷或膿汁清稀毒氣不出  
瘡口不合聚腫不赤結核無膿外證不明者並宜托  
裏膿未成者使膿早成膿已潰者使新肉早生血氣  
虛者托裏補之陰陽不和托裏調之大抵托裏之法  
使瘡無變壞之證所以宜用也

婦女

一婦患癰瘰延至胸腋膿水淋漓日久五心煩熱肢  
體疼痛頭目昏重心忪頰赤口乾咽燥發熱盜汗食  
少嗜卧月水不調臍腹作痛予謂血虛而然非癰故  
也服逍遙散月餘少可更服八珍湯加牡丹皮香附

頭部癰瘰

小兒

三十一

子又月餘而經通再加黃耆白斂兩月餘而愈一  
婦久患瘰癧不消自汗惡寒此血氣俱虛服十全大  
補湯月餘而潰然堅核雖取瘡口不斂矣以豆豉餅  
仍與前藥加香附烏藥兩月而愈一婦瘰癧後發  
熱煩躁作渴脉大無力此血虛也以當歸補血湯六  
劑頓退又以聖愈湯數劑少健加以八珍湯加貝母  
遠志三十餘劑而斂一婦潰後核不腐以益氣養  
榮湯三十餘劑更數針頭散腐之再與前湯三十餘  
劑而斂一婦久潰發熱月經過期且少用逍遙散  
兼前湯兩月餘氣血復而瘡亦愈但一口不收數針

頭散更灸前穴而痊一婦肝經積熱患而作痛脉  
沉數以射干連翹湯四劑少愈更用散腫潰堅九月  
餘而消一婦瘰癧與美其氣順血藥不應服神効瓜  
蒞散二劑頓退又六劑而消却與托裏藥氣血平復  
而愈一婦年踰三十瘰癧已潰不愈與八珍湯加  
柴胡地骨皮夏枯草香附貝母五十餘劑形氣漸轉  
更與必效散二服瘡口遂合惟血氣未平再用前藥  
三十餘劑而平一婦瘰癧不消膿清不斂用八珍  
湯少愈忽肩背痛不能回顧此胸膈經氣鬱所致當  
服防風通氣湯彼云瘰癧膈經病也是經火動而然

自服涼肝降火之藥反致不食痛盛予診其脉胃氣  
愈弱先以四君子加陳皮炒芍藥半夏羌活蔓荊子  
四劑食進痛止繼以防風通氣二劑而愈  
一十七患瘰癧久不愈月水尚未通發熱咳嗽飲食少  
思老嫗欲用巴豆肉桂之類先通其經予謂此證潮  
熱經候不調者不治但喜脉不濡且不潮熱尚可治  
須養氣血益津液其經自行彼欲効仍用巴桂此慄  
悍之劑大助陽火陰血得之則妄行脾胃得之則愈  
虛果通而不止飲食愈少更加潮熱遂致不救  
婦人瘰癧久不愈或以木旺之證用散腫潰堅湯伐

之腫硬益甚薛以為肝經氣血虧損當滋化源用六  
味地黃丸補中益氣湯至春而愈此證若肝經風火  
暴病元氣無虧宜用前湯若風木旺而自病宜用瀉  
青丸虛者用地黃丸若水不能生木亦用此丸若金  
來尅木宜補脾土生腎水大凡風木之病壯脾土則  
木自不能尅矣若行伐肝則脾胃先傷而木反尅土  
矣一婦患之恐不起致少寐年餘癰破膿水淋漓  
經水或五十日或兩月餘一至誤服通經丸展轉無  
寐午前惡寒午後發熱薛以為思慮虧損脾血用歸  
脾湯作丸午前以六君送下午後以逍遙送下兩月

餘得寐半載後經行如期年餘瘡愈 一婦瘰癧後  
 遍身作痒脉大按而虛以十全大補湯加香附治之  
 而愈大凡潰後午前痒作氣虛午後痒作血虛若作  
 風症治之必死 子和治一婦人病瘰癧延及胸臆  
 皆成大瘡相連無好皮肉求戴人療之戴人曰火淫  
 所勝治以鹹寒命以滄鹽吐之即一吐而着痂次用  
 涼膈散解毒湯等劑皮肉反復如初  
 東垣連翹散堅湯 治耳下至缺盆或至肩上生瘡  
 堅硬如石動之無根者名馬刀瘡從手足少陽經  
 中來也或生兩脇或已流膿作瘡或未破並皆治

金經 處治

之

當歸 酒洗

黃芩 生

連翹

廣茂 酒炒

京三稜 細剉同廣茂酒洗一次

土瓜根 酒炒

草龍膽 酒洗各壹兩

柴胡根 壹兩 貳錢

酒炒芩 柴錢

炙甘草 陸錢

黃連 酒炒

蒼朮 各叁錢

芍藥 壹錢

右以一半為細末煉蜜為丸如菉豆大每服壹佰  
 九或壹百伍拾丸一半咬咀每服半兩水壹盞搗  
 分先浸半日前煎去滓熱服臨卧頭低脚高去枕而  
 卧每口作十次嚥留一口送下丸子服畢如常安

自下瘰癧

升陽調經湯

治遠項下或至頰車生瘰癧此證出足陽明胃經中來也若其瘰深遠隱曲肉低是足少陰腎中來也是戌土傳癸水夫傳妻俱作塊子堅硬大小不等並皆治之或作丸服亦得

升麻 剉錢

連翹

草龍膽 酒炒

桔梗

黃連 去鬚 酒洗

京三稜 酒洗同廣 故微炒

葛根

甘草 炙 已上 各半兩

知母 酒洗 炒

廣茂 酒洗炒 各壹兩

細黃芩 酒炒 陸錢

黃蘗 去粗皮酒炒 或炙末錢

右秤一半作丸煉蜜丸如菜豆大每服壹佰九或

壹佰伍拾丸一半咬咀每服半兩若能食大便硬

可旋加至柒捌錢止水貳盞先浸半日煎至壹盞

去滓熱服卧身脚在高處去枕頭嚮一口作拾次

嚮之留一口在後送下丸子服藥畢卧如常此治

法也

散腫潰堅湯 治馬刀瘡結硬如石在耳下至缺盆

或至肩上或至脇下皆手足少陽經中及瘰癧遍

下頰或至頰車堅而不潰在足陽明經中所出或

二瘡已破及流膿水並皆治之服藥多少臨病斟

酌量病人飲食多少大便硬軟以意消息之

頁部 瘰癧

外科三

卷三

柴胡稍

肆錢

草龍膽

酒炒

黃蘗

去粗皮酒炒

知母

瓜蒌根

酒洗

昆布

去土

桔梗

各半兩

甘草根

炙

京三稜

酒炒

廣茂

酒洗炒

連翹

當歸

各叁錢

白芍藥

葛根

黃連

各貳錢

升麻

陸錢

黃芩稍

捌錢

一半酒洗一半生用

右咬咀每服陸錢或柒錢水貳盞先浸半日煎至壹盞去香稍熟服於卧處伸脚在高處頭微低每禽一口作十次熱至服畢依常安卧取藥在胸中停留故也另攢半料作細末煉蜜為丸如菉豆大

每服壹百丸此湯留了口送下更加海藻半兩炒

食後量虛實加減多少服皆做此例

救苦勝靈丹湯

治馬刀挾瘦者從耳下或耳後下

頸至肩或入缺盆中者乃手足少陽經之分野

其癩癰在於頰下或至頰車者乃足陽明經之分

野受心脾之邪而作也今將二證合治之

黃芪

壹錢護皮毛實驤理及活血氣又實表補元氣乃瘡家之聖藥也

人參

叁分補肺氣如氣短及不調而喘者加之

真漏蘆

半錢勿以白頭代

升麻

壹錢

葛根

半錢此三味俱足陽明本經藥

甘草 半錢能調中和

連翹 無毒能散血結氣聚此瘡家之神藥也

牡丹皮 貳分去腸胃

生地黄 參分 熟地黄 參分此三味諸經中

白芍藥 參分如夏月倍之其味酸其氣寒能

肉桂 貳分大辛熱能散結聚如陰症瘡瘍少用

用大辛熱去之柴胡 功同連翹如瘡不

煩躁者勿用 昆布 貳分味鹹若瘡堅硬甚

黍粘子 腫分無用 廣茂 參分此二味瘡堅硬甚

京三稜 炮貳分 獨活 防風 各壹錢已

關手足太陽證脊痛項強不可回顧腰似折項

似拔防風辛溫如瘡在膈上雖無手足太陽

證亦當用之為能散

結去上部風邪故也

益智仁 貳分如唾多者胃不和也或吐沫

麥芽 壹錢消食胃中寒者加之無則勿用

厚朴 壹錢壹錢貳分 黃連 炒參分

胸無力加之如煩躁欲去衣

者此腎中伏火也更宜加之

右共為細末湯浸蒸餅捏作餅子晒乾搗如米粒

大每服參錢白湯下 如氣不順加橘紅甚者加

木香少許量病人虛實消息之母令藥多妨其飲

食此治之大法也 如止在陽明分者去柴胡黍

粘子二味餘皆用之。如在少陽分爲馬方揀瘦  
去獨活漏蘆升麻葛根加瞿麥參分。如本人氣  
素弱其病勢來時氣盛而不知促者不可考其平  
素宜作氣盛而從病變治之權也。加黃芩黃連黃  
檉知母防已視邪氣在上中下而用之。假冷在上  
焦加黃芩半酒洗在中焦加黃連半酒洗在下焦  
加酒製黃檉知母防已之類選而用之。如大便  
不通而滋其邪盛者加酒製大黃以利之。如血  
燥而大便乾燥者加桃仁泥大黃。如風結燥不  
行者加麻仁大黃以潤之。如風澀而大便不行

加煨皂角仁大黃秦艽以利之。如脈澀覺身有  
氣澀而大便不通者加郁李仁大黃以除風燥。  
如陰寒證爲寒結祕而大便不通者以局方半硫  
丸或加炮附子乾薑煎候冰冷服之。  
大抵用藥之法不惟瘡瘍一家凡諸疾病氣素怯  
弱者當去苦寒之劑多加人參黃芪甘草之類以  
瀉火而補元氣餘皆倣此。  
柴胡通經湯 治小兒項側有瘡堅而不潰名曰馬  
刀亦治瘰癧

柴胡

當歸尾

生甘州

連翹

黃芩

牛蒡子

京三稜

桔梗各壹錢半

黃連壹錢

紅花少許

右作一服水貳鍾煎至壹鍾食後服此是攻裏內消之劑

柴胡連翹湯 治男子婦人馬刀瘡

柴胡

連翹

知母酒製

黃芩炒各半兩

黃礬酒製

生地黄

甘艸炙各叁錢

當歸尾壹錢半

桂叁分

牛蒡子貳錢

瞿麥穗陸錢

右剉如麻豆大每服叁錢或伍錢水貳大盞煎至壹盞去滓食後稍熱時時服之

消腫湯 治馬刀瘡

柴胡

黃芩生用各貳錢

黃連

牛蒡子炒各半錢

黃芪

瓜蒌根各壹錢半

連翹叁錢

當歸尾

甘草各壹錢

紅花少許

右吹咀每服半兩水貳大盞煎至壹盞去滓食後稍熱服忌酒濕麵

表裡夾攻

羅謙甫云曲陽縣劉禪師善治瘡瘍瘰癧其効更捷

頁部瘰癧

卷之三

三七

授予四方太乙膏玉燭散尅効散翠玉膏用之每每

見効

太乙膏 治癰子瘡神効

沒藥 肆錢

清油 壹斤

黃丹 伍兩

腦子 研壹錢

麝香 叁錢

輕粉

乳香 各貳錢

右以清油黃丹熬成膏用柳枝攪又用蔥蔥柴枝  
旋旋加下蔥盡為度下火不住手攪至滴水不散  
却入乳沒腦麝輕粉等味攪勻磁器內盛用

尅効散

蟹螯 肆拾玖箇不肆拾玖箇不

粳米 肆拾肆拾

赤小豆 肆拾肆拾

官桂

礞砂 各半各半

右五味研為細末初服壹字次服半錢次服叁字  
又次服肆字煎童柳根湯送下空心服以小便淋  
瀝併作瀉為効惡心嘔吐黃水無妨其瘰癧日白

自消矣

玉燭散 治瘰癧自消和血通經

當歸

芍藥

大黃

甘草

熟地黄

芒硝

黃芩

川芎 各等分

右為粗末每服參錢水壹盞生薑參片煎至柒分  
去渣溫服日進一服七八日効

翠玉膏方見

羌活連翹湯

治濕癰初發寒熱腫痛

防風

羌活

連翹

夏枯草

柴胡

昆布洗

枳殼

黃芩酒炒

川芎

牛蒡子

甘草

金銀花

右薄荷水煎服

次以追毒散行之以化堅湯消

之大効

防風羌活湯

治癩癧發熱者

防風

羌活

連翹

升麻

夏枯草

牛蒡子

川芎

黃芩酒浸

甘草

昆布洗

海藻洗

殭蠶

右薄荷水煎服

虛者加人參當歸實者加黃

連大黃

解表

加味敗毒散

治風熱上壅頸痛或因怒氣增寒壯

熱如服四五劑不退宜服益氣養榮湯

即荆防敗毒散

加牛蒡子玄參

小字三

六十一

內除  
之本

楊氏家藏治療癰方

荆芥

白僵蠶

黑牽牛各貳錢

蟹螯貳拾捌箇去頭翅足用大米炒

右為末臨臥時先將滑石末壹錢用米飲調服半夜時又一服五更初却用溫酒調藥壹錢或貳叁錢量強弱用服訖如小便無惡物行次日早再進一服又不行第三自五更初先進白糯米稀粥湯再進前藥一服更以燈心湯下調琥珀末壹錢重服以小便內利去惡毒為愈如小便痛用青黛壹錢以甘草湯調送下即止

嚴氏三聖丸 治療癰

丁香伍拾粒

蟹螯拾箇

麝香另研壹錢

右為末用鹽豉伍拾粒湯浸研爛如泥和前藥令勻丸如菜豆大每服伍柒丸食前溫酒送下且進三服五七日外覺小便淋瀝是藥之效或便下如青筋膜之狀是病之根也忌濕麵毒食

保命連翹湯

連翹

瞿麥各壹斤

大黃叁兩

甘草貳兩

右剉每服壹兩水貳椀煎至壹盞半早食後巳時

服在項兩邊屬足少陽經服藥十餘日後可於臨  
泣穴灸貳柒壯服藥不可住至五六十日方效  
一方加大黃木通貝母一作知母各伍兩雄黃柒分  
榔半兩減甘草不用同前藥為細末熟水調下參  
伍錢

三因必勝丸 治瘰癧不以年深月近及腦後兩邊  
有小結塊連復數箇兼勞瘵腹內有塊

鯽魚壹箇去腸并子 雄黃壹塊雞子大 硃砂壹錢已上二味並入  
在鯽魚腹內仰安魚於炭火上燒煙盡取出  
蓬朮半兩 梔子伍枚 皂角貳挺四末並燒存性

革麻子伍箇去皮燈火上燒

黃明膠參文

右為末另用皂角貳挺去皮搥碎以水叁碗揉去  
滓煮精羊肉四兩爛軟入輕粉伍匣男子乳汁半  
兩同研成膏和藥末丸如菜豆大硃砂為衣溫酒  
侵晨下拾丸一服至晚看肉疔瘡子若項有伍箇  
則以五服藥取之視其所生多少以為服數既可  
更進數服

白花蛇散 治久漏瘰癧發於項腋間增寒發熱或  
痛或不痛

白花蛇酒浸軟去皮骨焙乾貳兩

犀角屑

青皮

黑牽牛

半生半炒以上  
三味各半兩

右為末每服貳錢加膩粉半錢研勻五更糯米飲  
調下已時利下惡物乃瘡之根也更候十餘日再  
進一服忌發風壅熱物如已成瘡一月可効神驗  
小犀角丸常服除去根本截其源流應効如神諸  
癰並宜服之

犀角

青皮

黑牽牛半生半炒

陳皮 各壹兩

連翹 半兩

右為細末用皂角貳挺去皮弦子泡挺以布絞取  
汁壹椀許又用新薄荷貳斤研取汁同熬成膏以

前藥末為丸如桐子大每服叁拾丸連翹煎湯食

後服間以薄荷茶湯服

是齋立應散 治瘰癧神効已破未破皆可服

連翹

赤芍藥

川芎

當歸

甘草

滑石 研各半兩

黃芩

白牽牛 生取末

川烏尖 藥

土蜂房

蜜水洗飯上蒸  
日乾各貳錢半

地膽 去頭翅足  
拌米炒米

黃芩為度去  
米研叁錢

右為細末每服抄壹太錢匕濃煎木通湯調下臨

卧服毒根從小便中出澁痛不妨毒根如粉片塊

血爛肉是也如未効再服繼以薄荷并解其風熱  
且地膽性帶毒濟以烏尖或衝上麻悶不能強制  
嚼蔥白一寸茶清下以解之如小便澀燈心湯調  
服五苓散瘡處用好膏藥貼若癰疽用此宜導惡  
毒本方去黃芩不用

雌雄散 治瘰癧

蟹螯新一雌一雄足翅全者

貫衆貳錢

鶴虱

甘草

右細末作兩服飽飯後好茶濃點壹盞調下  
遇仙無比丸 專治瘰癧

				漢書門
		二九	二七	
一〇	九	二	一	
冊	架	函	號	類